

INUIT ATAQATIGIIT

Inatsisartuni



15. februar 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Nunatsinni pissartannngorniunnerit avataasigut unamminernut atatillugu timersoqatigiiffiit angalanermut aningaasartuutaannut aningaasanik immikkut atugassiinikkut meeqqat inuusuttullu timersornerisa nukittorsarnissaat kissaatigigaanni, tamanna aningaasanut inatsimmi kontomi 40.94.13 Timersornermut tapiissutinut aningaasat immikkoortinneqartut aqutugalugit aaqqiivigineqarsinnaava?**
- 2. Aningaasanik atugassiinermi inatsisit allannngortinnissat pisariaqarpa, tamannaluunniit Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq naapertorlugu aningaasat akilerneqarsinnaappat?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Timersornermik soqutigininnerup milliartortinneqarani alliaartortinneqartuassappat, timersortartuutittalu pikkorissiarloqqissinnaanissaannut, ineriartloqqinnissamullu periarfissaannik annertusaaffigeqqissagutsigit, taava allaqqunneqarsinnaanngilaq unammisaqattaartarnerit akulikin-nerusut amerlanerusullu pilersinneqarnissaat uani pingaarutilerujussuartut inissisimavoq.

Nunatta avataani unammillertigut qanoq ingerlappat? Nunani allani ukioq kaajallallugu timersoqatigiiffiit imminnut unammisaqattaartarput. Taamaakkamillu nunani allani timersortartut ingerlalluarpot, soqutigineqarlupullu allaat inersimasunngornissaq tikillugu.

Nalunngilarput timersoqatigiiffiit kattuffiisa kissaatiguaraluarat aamma nunatsinni maani unammisaqattaartarnerit amerlanerulersinneqarnissaat. Tamannali piviusunngunngisaannarpoq aningaasassaaleqineq pissutaalluni. Naalakkersuinikkut immikkut ittumik aningaasaliisqartannnginnera pissutaalluni.

Taamatut tunngavilersuuteqarlunga apeqquteqaatika ingerlateqqippakka.

Kissaatigaaralu apeqqutima ullut qulit iluanni akineqassasoq.